

Općinskog načelnika čija izrada nije u nadležnosti drugih općinskih službi; pripremanje, sazivanje i održavanje sjednica Kolegija Općinskog načelnika; sačinjavanja stručnih analiza i pripremanja izvještaja i informacija za potrebe Općinskog načelnika; studijsko-analitičke poslove i informisanje javnosti; ostvarivanje saradnje i realizaciju projekata sa inostranim subjektima, nevladinim organizacijama, organima i institucijama Evropske unije; organizaciju i protokol manifestacija koje organizuje Općina; upravljanje ljudskim resursima; poslovima iz oblasti rada i radnih odnosa, vođenja evidencija i čuvanja dokumentacije uposlenih te poslovima interne kontrole (izvještaji, informacije, zapisnici, ugovori, odluke, rješenja, zaključci te drugi podaci o kojima službenu evidenciju vodi ova Stručna služba).

### **c) upravne organizacije:**

#### **1. Zavod za urbanizam:**

- informacije koje se odnose na izradu dokumenata prostornog uređenja (prostorni i urbanistički plan, regulacioni planovi, urbanistički projekti, planovi parcelacije, projekti uređenja terena); poslove visokogradnje i niskogradnje; geodetske poslove (snimanje i izrada geodetskih podloga u digitalnom obliku za sve vrste projektovanja, trasiranje, iskolčavanje i nadzor, formiranje i primjena GIS-a) i poslove iz oblasti geologije (izrada geoloških podloga za sve prostorne i urbanističke dokumentacije, izrada stručnih mišljenja iz oblasti geologije) (izvještaji, informacije, dokumenti prostornog uređenja, stručna mišljenja, stručne ocjene, zapisnici, ugovori, odluke, rješenja, zaključci te drugi podaci o kojima službenu evidenciju vodi ova upravna organizacija).

## **2**

Na osnovu člana 8. stav 3. alineja 29. Zakona o principima lokalne samouprave („Službene novine Federacije BiH“, broj 49/06.), a u vezi sa Zakonom o veterinarstvu Federacije BiH („Službene novine Federacije BiH“, broj 46/00. i člana 24. stav 1. tačka 2. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.) i Zakona o komunalnim djelatnostima („Službene novine TK“, broj 11/05., 7/07., i 8/12.) Općinsko vijeće Tuzla, na sjednici od 2. aprila 2014. godine, donosi

### **ODLUKU**

#### **o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama**

### **I OPĆE ODREDBE**

#### **Član 1.**

Ovom Odlukom se propisuju uslovi i način držanja i postupanja sa domaćim životinjama, kućnim ljubimcima i nezbrinutim životinjama, a naročito kretanje pasa u javnim objektima i na javnim površinama, način postupanja sa izgubljenim i napuštenim životinjama, psima i mačkama lualicama i životinjama opasnim za okolinu na području općine Tuzla, nadzor i kaznene odredbe.

Ova Odluka se ne primjenjuje na službene pse koji u obavljanju svojih poslova koriste tijela državne uprave i druge pravne osobe (npr. policija, zaštitari, granična služba) kao i na pse osposobljene za pomoć osobama sa posebnim potrebama (npr. vodiče slijepih osoba) te lovačke pse i pse tartufare samo za vrijeme lova.

Držanje i kretanje lovačkih pasa za vrijeme lova izvan naselja utvrđen je Zakonom o lovstvu, propisima proizašlim iz naprijed navedenog Zakona i drugim pozitivnim zakonskim propisima.

#### **Član 2.**

U ovoj Odluci u upotrebi su pojmovi sa sljedećim značenjem:

- 1. Vlasnik/držalac životinje** - svako pravno ili fizičko lice koje je kao vlasnik, korisnik ili čuvar neposredno odgovorno za zdravlje i dobrobit životinje.
- 2. Eutanazija** - bezbolno usmrćivanje životinja.
- 3. Higijeničarska služba** - služba koja stalno i sigurno obavlja uklanjanje životinja, pasa lualica, lešina životinja, određenih nejestivih nusproizvoda klanja, konfiskata i valioničkih otpadaka.
- 4. Izgubljena životinja** - ona životinja koja je napustila vlasnika/držaoca bez njegove volje.
- 5. Napuštena životinja** - kućna životinja koju je vlasnik/držalac svjesno napustio.
- 6. Skloništa za životinje** - prostori u kojima se smještaju pronađene (napuštene i izgubljene) životinje na daljnju brigu i moguće udomljavanje.

#### **Član 3.**

Domaćim životinjama u smislu ove Odluke smatraju se životinje koje je čovjek odomaćio i čiji opstanak zavisi od neposredne brige čovjeka, i to:

1. Kopitari i papkari.
2. Živina.
3. Kunići.
4. Golubovi.

#### **Član 4.**

Kućni ljubimci u smislu ove Odluke su psi, mačke, ukrasne i egzotične ptice, mali glodari, terarijske, akvarijske i druge životinje koje se uzgajaju ili drže za druženje, rekreaciju, zaštitu ili pomoć čovjeku.

Držanje opasnih životinja kao kućnih ljubimaca regulirano je Pravilnikom o držanju opasnih životinja („Službeni glasnik BiH“, broj 27/10.).

#### **Član 5.**

Dvorište u smislu odredaba ove Odluke je preostali dio građevinske parcele ograđen ili neograđen, koji pripada stambenoj zgradi, odnosno porodičnoj kući ili većem broju porodičnih kuća.

Dvorište iz stava 1. ovog člana koje se nalazi uz površinu javne namjene i površinu u javnom korištenju, a u kome se drži domaća životinja i kućni ljubimac, mora biti ograđeno.

**Član 6.**

Vlasnik/držalac domaće životinje, odnosno kućnog ljubimca, u smislu ove Odluke je svako fizičko ili pravno lice, koje je kao vlasnik, korisnik ili čuvar (u daljem tekstu: držalac životinje) odgovorno za život, zaštitu zdravlja i dobrobit životinje.

Vlasnik/držalac životinje ne može biti lice mlađe od 18 godina.

**Član 7.**

Vlasnik/držalac životinje je obavezan da drži životinju na način kojim ne ugrožava njenu dobrobit, da joj obezbijedi adekvatan smještaj, neophodnu njegu, pravilnu ishranu, odgovarajuće veterinarsko-zdravstvene uslove prostora u kom boravi i zdravstvenu zaštitu u skladu sa Zakonom o veterinarstvu FBiH („Sl. novine FBiH“, broj 46/00.), Zakonom o veterinarstvu BiH (Službeni glasnik BiH broj 34/02.) i Zakonom o zaštiti i dobrobiti životinja BiH („Službeni glasnik BiH“, broj 25/09.) kojima se uređuje dobrobit životinja.

## II USLOVI I NAČIN DRŽANJA DOMAĆIH ŽIVOTINJA

### Držanje domaćih životinja

**Član 8.**

Na području općine Tuzla u sljedećim mjesnim zajednicama - ulicama zabranjeno je držanje domaćih životinja (kopitara, papkara, živine i kunića) kao i uzgoj i razmnožavanje pasa za prodaju: **MZ Brčanska Malta**, **MZ Novi Grad I**, **MZ Novi Grad II**, **MZ Stari Grad**, **MZ Sjenjak**, **MZ Slatina**, **MZ Batva** u ulicama Rudarska, Krečanska, Ive Andrića, Ive Bojanovića, Ivana Markovića Irca, Fadila Jahića Španca, Mije Keroševića Guje, Edhema Mulabdića, Jure Keroševića, Paša Bunar, **MZ Centar** u ulicama Kazandžjska, Pazar, Hadži Hasanage Pašića, Seadbega Kulovica, Gradska, Ludviga Kube, Pavkuša, Hendek, Zlatarska, Kulina bana, Slani bunari, Trgovačka, Franjevačka, Prekinute Mladosti, Fra Grge Martića, Tabošnice, Atik mahala, Barok, Džafer mahala, Džindić mahala, Patriotske Lige, Jevrejska, Kojšino do broja 130, Solni Trg, Čarsijski Trg, Trg Slobode, Trg Stara tržnica, Trg Kapija, **MZ Jala** osim ulice Put Breza, **MZ Kula** u ulicama Kula, XVI muslimanske brigade, Veselina Masleše, Muratbega Zaimovića, Obala Zmaja od Bosne, Vrapče, Čamila Sijerića, **MZ Kreka** u ulicama Mitra Trifunovića Uče, Husinskih rudara, Ludviga Peštića, Hasana Kikića, Česka, Dr. Milice Kosorić, Pavla Goranina (do trafo stanice), Tomislava Ramnjaka, Babice Laude, Rade Urliha, **MZ Lipnica** u ulici Proleterskih brigada od broja 46-58 i broja 49-73, **MZ Mosnik** u ulicama Bosne srebrene, Drage Karamana, Muhsina Rizvića, Osmana Vilovića, Envera Šiljka, Gornji Mosnik, Donji Mosnik, Fride Laufer, Amalije Lebeničnik, Gine Herman, Zlatana Mešića, Mušinac, Vikaljska, Bime Adžajlića, Fridriha Kacera, Branislava Nušića, **MZ Mejdan** u ulicama Bosne srebrene, Obala Zmaja od Bosne, Mustafe Hukića, Muftije ef. Kurta, 9. maja, Donje Brdo, Mejdan, Mali Mejdan, Donji Mejdan, **MZ Mramor** u ulicama 26. avgusta od broja 30-109 i 38. divizije od broja 1-7, **MZ Slavinovići** u ulicama Žarka Vukovića Pucara, Slavinovići od semafora do željeznog mosta, Hasana Brkića, Ciglan, Branila-

ca Bosne, Luke, Izeta Sarajlića, Goste Lazarevića, **MZ Simin Han** u ulicama 3. Tuzlanske brigade, M. Tesića, Stara Solana, **MZ Solana** u ulicama 18. hrvatske Brigade, Sulejmana Aličića Sulje, Save Kovačevića, Admira Dedića, i u ulicama Meme Suljetovića, Fikreta Salihovića, Damira Hadžibeganovića, Rudolfa Vikića, Seada Rahmanovića, Alije Ibrića 50 metara od glavne putne komunikacije, **MZ Solina** u ulici Novo Naselje Solina (Blok A,B,C,D), **MZ Ši Selo** osim ulice Debelo Brdo, **MZ Šićki Brod** u ulicama 21. aprila i Majska, **MZ Tušanj** u ulicama Meše Selimovića, Tušanj od podvožnjaka do okretišta Solana autobuske stanice, Pašage Mandžića, Dragodol, Džemala Mandžića, Hadži Marijana Divkovića, Murata Priganice i Dr. Isaka Samokovlije.

Vlasnik/držalac domaće životinje je dužan životinju držati u skladu sa Zakonom o veterinarstvu FBiH („Službene novine FBiH“, broj 46/00.), Zakonom o veterinarstvu BiH („Službeni glasnik BiH“, broj 34/02.), Zakonom o zaštiti i dobrobiti životinja BiH („Službeni glasnik BiH“, broj 25/09.), kojima se uređuje dobrobit životinja, Zakonom o zaštiti okoliša FBiH („Sl. novine FBiH“, broj 33/03. i 38/09.), Zakonom o javnom redu i miru TK („Sl. novine TK“, broj 9/01.) te odredbama ove Odluke.

Objekti za držanje domaćih životinja moraju odgovarati propisanim veterinarsko-zdravstvenim uvjetima.

Držanje i ispaša domaćih životinja nije dozvoljena:

- na javnim i zelenim površinama
- oko vodotoka (rijeke, rječice, jezera, potoci i sl.)
- u prečniku od 50 m od vodoopskrbnih objekata;
- na udaljenosti manjoj od 20 m od ivice putnog/pružnog pojasa

na udaljenosti manjoj od 20 m od ivice putnog/pružnog pojasa

- u zaštitnom pojasu javnih cesta
- na zaštićenom području oko izvorišta pitke vode
- u pojasu oko groblja/mezarja i vjerskih objekata na udaljenosti manjoj od 100 m

na udaljenosti manjoj od 100 m

- oko objekata javnog sadržaja
- objekata u kojima se obavlja ugostiteljska djelatnost, na udaljenosti manjoj od 50 metara

na udaljenosti manjoj od 50 metara

• nije dozvoljen prelazak preko javnih saobraćajnica (autoput, magistralni put, regionalni put, kategorisane ulice u naseljima) osim u transportnom vozilu

- oko administrativnih, kulturnih, obrazovnih, turističkih, historijskih i zdravstvenih ustanova na udaljenosti manjoj od 200 m.

Prostor za odlaganje i zbrinjavanje đubra i osoke mora biti izgrađen na način da ne ugrožava okoliš i mora biti udaljen najmanje 20 m od stambenih ili poslovnih objekata na susjednoj parceli i najmanje 50 m od vodoopskrbnog objekta.

### 1. KOPITARI I PAPPKARI

**Član 9.**

Kopitari u smislu ove Odluke su: konji, magarci, mazge i mule, a papkari: goveda, ovce, koze i svinje.

Na području općine Tuzla, osim u mjesnim zajednicama navedenim u članu 8. stav 1. ove Odluke, kopitari i papkari se mogu držati u posebnim objektima:

- u dvorištu porodične kuće i
- u zajedničkom dvorištu porodične kuće po prethodno pribavljenoj saglasnosti svih suvlasnika porodične kuće.

## 2. ŽIVINA

### Član 10.

Na području općine Tuzla, osim u mjesnim zajednicama navedenim u članu 8. stav 1. ove Odluke, živina se može držati u dvorištima, u zajedničkom dvorištu porodične kuće i dvorištu sa većim brojem porodičnih kuća.

Prostor u kojem boravi perad mora da bude ograđen adekvatnom ogradom koja sprječava nekontrolisano kretanje životinja.

Živina se može držati u zajedničkom dvorištu porodične kuće i dvorištu sa većim brojem porodičnih kuća po prethodno pribavljenoj saglasnosti svih suvlasnika porodične kuće, odnosno vlasnika porodičnih kuća.

## 3. KUNIĆI

### Član 11.

Na području općine Tuzla, osim u mjesnim zajednicama navedenim u članu 8. stav 1. ove Odluke, kunići se mogu držati u dvorištima, u zajedničkom dvorištu porodične kuće i dvorištu sa većim brojem porodičnih kuća.

Prostor u kojem borave kunići mora da bude ograđen adekvatnom ogradom koja sprečava nekontrolisano kretanje životinja.

Kunići se mogu držati u zajedničkom dvorištu porodične kuće i dvorištu s većim brojem porodičnih kuća po prethodno pribavljenoj saglasnosti svih suvlasnika porodične kuće, odnosno vlasnika porodičnih kuća.

## 4. GOLUBOVI

### Član 12.

Golubovima se, u smislu ove Odluke, smatraju golubovi pismošne, golubovi visokoletači, i ukrasni golubovi.

Golubovi se mogu držati u posebno ograđenom prostoru:

- na krovu ili tavanu u stambenoj zgradi, uz prethodno pribavljenu saglasnost svih vlasnika stanova i posebnih dijelova stambene zgrade,

- na tavanu, terasi i dvorištu porodične kuće i

- zajedničkom dvorištu porodične kuće i u dvorištu sa većim brojem porodičnih kuća, po prethodno pribavljenoj saglasnosti svih vlasnika stanova i posebnih dijelova stambene zgrade, suvlasnika porodične kuće, odnosno saglasnosti svih vlasnika porodičnih kuća.

## III USLOVI I NAČIN DRŽANJA KUĆNIH LJUBIMACA

### Član 13.

Na području općine Tuzla, svaka punoljetna osoba pri drzavajući se odredbi Zakona, drugih propisa i odredbi ove Odluke može držati kućne ljubimce iz člana 4. stav 1. ove Odluke.

U objektima ili zgradama kolektivnog stanovanja, jedno domaćinstvo može držati u stanu najviše dva psa i najviše dvije mačke.

Ostali kućni ljubimci mogu se držati u onom broju za koliko jedno domaćinstvo može obezbijediti adekvatne uslove u skladu sa ovom Odlukom i pozitivnim zakonskim propisima.

U objektima iz stava 2. ovog člana nije dozvoljeno držanje pasa i mačaka na balkonu, terasi ili lođi i uvođenje pasa i mačaka u liftove osim kada iste istovremeno ne koriste stanari i građani.

U dvorištu individualnog stambenog objekta mogu se držati tri psa i tri mačke.

Ostali kućni ljubimci mogu se držati u onom broju za koliko jedno domaćinstvo može obezbijediti adekvatne uslove u skladu s ovom Odlukom i pozitivnim zakonskim propisima.

Držanje većeg broja pasa i mačaka od dozvoljenog, utvrđenog u stavu 2. i 5. ovog člana, podliježe propisima vezano za uzgoj pasa, mačaka i ostalih kućnih ljubimaca.

Registracija, čipovanje, vakcinacija/cijepljenje, tretman protiv parazita, liječenje, kao i prodaja pasa i mačaka regulisana je Zakonom o veterinarstvu FBiH („Sl. novine FBiH“, broj 46/00.), Zakonom o veterinarstvu BiH („Službeni glasnik BiH“, broj 34/02.) i Zakonom o zaštiti i dobrobiti životinja BiH („Službeni glasnik BiH“, broj 25/09.).

Kućni ljubimci, u skladu s odredbama ove Odluke, mogu se držati u sljedećim prostorima:

- stanu u stambenoj zgradi,
- porodičnoj kući i dvorištu porodične kuće i
- zajedničkim prostorijama stambene zgrade, zajedničkom dvorištu porodične kuće i dvorištu s većim brojem porodičnih kuća, uz saglasnost svih stanara zgrade, suvlasnika porodične kuće, odnosno saglasnost svih vlasnika porodičnih kuća.

### Član 14.

Vlasnik/držalac kućnog ljubimca je dužan životinju držati u skladu sa Zakonom o veterinarstvu FBiH („Sl. novine FBiH“, broj 46/00.), Zakonom o veterinarstvu BiH („Službeni glasnik BiH“, broj 34/02), Zakonom o zaštiti i dobrobiti životinja BiH („Službeni glasnik BiH“, broj 25/09.) kojima se uređuje dobrobit životinja, Zakonom o zaštiti okoliša FBiH („Sl. novine FBiH“, broj 33/03. i 38/09.), Zakonom o javnom redu i miru TK („Sl. novine TK“, broj 9/01.) te odredbama ove Odluke.

Držanje kućnih ljubimaca u stanovima i kretanje kućnih ljubimaca zajedničkim dijelovima zgrada i dvorištima zgrada te čišćenje tih prostorija i prostora od fekalija kućnih ljubimaca, zajednički utvrđuju suvlasnici zgrade, odnosno korisnici stanova, a za izvršenje su zaduženi vlasnici/držaoci kućnih ljubimaca.

Vlasnik/držalac, čiji pas učestalom i dugotrajnim lajanjem ili zavijanjem remeti mir, dužan je odmah poduzeti odgovarajuće mjere kako bi spriječio daljnje uznemiravanje, ili je dužan ukloniti psa.

Pas, mačka i drugi kućni ljubimci moraju se držati tako da ne ugrožavaju osobnu sigurnost građana.

### Član 15.

Pas koji se drži u neograđenom dvorištu, mora biti sigurno vezan, na način da ne ometa kretanje i sigurnost građana ili mora biti smješten u boks koji će osigurati da se životinja neće moći samostalno udaljiti.



Pas se može vezati oko vrata adekvatnom ogrlicom ili kaišem koji se ne usijeca u kožu i koji ne može dovesti do povreda.

Vlasnik/držalac ne smije vezati psa na lanac koji je kraći od 3 (tri) metra ili trostruke dužine životinje, mjereno od vrha repa do vrha njuške, a pri određivanju dužine lanca koristi se dužina povoljna za životinju.

Ukoliko se pas drži u ograđenom prostoru za psa ili kućici za psa, smještaj kućice ili ograđenog prostora mora biti takav da ne ugrožava/ometa stanovanje u susjednom dvorištu.

#### Član 16.

Pas koji se drži u ograđenom dvorištu ili drugom zemljištu ne mora biti vezan ukoliko ograda svojom visinom i čvrstoćom osigurava sigurnost prolaznika i susjeda.

Vlasnik/držalac koji drži psa na način utvrđen u stavu 1. ovog člana mora na vidnom mjestu, staviti oznaku koja upozorava na psa i mora imati ispravno zvono na ulaznim dvorišnim ili vrtnim vratima.

### IV REGISTRACIJA KUĆNIH LJUBIMACA I KRETANJE NA JAVNIM POVRŠINAMA I OBJEKTIMA JAVNE NAMJENE

#### Član 17.

Upisivanje pasa u registar i čipovanje je obavezno za sve vlasnike/držaoce pasa na prostoru općine Tuzla.

Svaki pas mora biti označen na propisani način, u skladu sa ovom Odlukom i drugim pozitivnim zakonskim propisima a vlasnik/držalac mora imati propisanu službenu ispravu/dokument o upisu (registraciji i čipovanju), vakcinaciji protiv bjesnila i obavljenom tretmanu protiv parazita.

Za vođenje registra pasa, čipovanje pasa, vakcinaciju pasa protiv bjesnila i tretman protiv parazita, te izdavanje službene isprave/dokumenta nadležna je veterinarska organizacija JP Veterinarska stanica d.o.o. Tuzla.

Za troškove upisa pasa, obaveznog označavanja-čipovanja pasa, vakcinacije pasa protiv bjesnila, tretmana protiv parazita i izdavanja službenih isprava/dokumentacije plaća se naknada u skladu sa Zakonom o veterinarstvu FBiH („Službene novine FBiH“, broj 46/00.) i Cjenovnikom minimalnih i maksimalnih cijena veterinarskih usluga na teritoriji Federacije Bosne i Hercegovine („Službene novine FBiH“, broj 43/13).

Vlasnik/držalac psa je dužan prijaviti nabavku, odnosno uginuće ili otuđenje psa u roku od 15 dana od dana nabavke, uginuća ili otuđenja nadležnoj veterinarskoj organizaciji JP Veterinarska stanica d.o.o. Tuzla, koja vodi registar pasa.

Sadržaj i oblik registra pasa, isprave o obaveznom upisu i provedenim mjerama, kao i oblik obavezne oznake za pse, propisuje Općinsko vijeće, do uspostavljanja propisa na entitetskom, odnosno državnom nivou.

Uvjete i način držanja pasa, divljih životinja i zvijeri, zaštitna sredstva (brnjica i sl.), zaštita okoline te način postupanja s neupisanim psima, psima i mačkama litalicama, kao i drugim opasnim i zločudnim životinjama, propisuje kantonalni ministar nadležan za poslove veterinarstva.

Na javne površine mogu se izvoditi psi i mačke za koje vlasnik/držalac posjeduje službenu ispravu/dokument kojim se

dokazuje da su prethodno uredno registrirani, čipovani, vakcinisani protiv bjesnila i tretirani protiv parazita u nadležnoj veterinarskoj organizaciji JP Veterinarska stanica d.o.o. Tuzla, u skladu s ovom Odlukom i pozitivnim zakonskim propisima.

#### Član 18.

Kućnim ljubimcima koji se kreću slobodno ili na povodcu, zabranjeno je kretanje u okviru Memorijalnog kompleksa Slane banje, na tržnicama-pijacama, grobljima-mezarjima, dječijim igralištima, cvijetnjacima, neograđenim i ograđenim sportskim terenima, kupalištima, ugostiteljskim objektima, bankama, vozilima javnog prevoza, na javnim skupovima, te neograđenim i ograđenim dvorištima škola i vrtića, i na drugim javnim površinama, što će se obavezno označiti znakom sa prekrizanim likom psa.

O dozvoli ili zabrani uvođenja kućnih ljubimaca u objekte, hotele, apartmane i druge smještajne i ugostiteljske kapacitete, odlučuje vlasnik objekta i to označava postavljanjem naljepnice sa likom psa, odnosno s prekrizanim likom psa na ulaznim vratima objekta.

Znakove iz stava 1. ovog člana postavlja i održava JKP „Komunalac“ Tuzla, uz saglasnost nadležne Službe za komunalne poslove, izgradnju i poslove mjesnih zajednica Općine Tuzla, na javnim površinama, a za privatne objekte i površine za postavljanje znakova zaduženi su vlasnici površina i objekata.

Zabranjeno je dovođenje i napuštanje kućnih ljubimaca, posebno pasa i mačaka na područje općine Tuzla s područja drugih općina.

#### Član 19.

Ograničenje kretanja pasa ne primjenjuje se na službene pse i pse osposobljene za pomoć osobama sa posebnim potrebama.

#### Član 20.

Vlasnici/držaoци pasa mogu psa izvesti van zatvorenog prostora samo na kratkom povodniku dužine do 3 m. Opasne pse na javnu površinu mogu izvoditi samo punoljetna lica, a psi se moraju voditi na uzici i sa zaštitnom korpom na njušci.

Opasan/agresivan pas može biti bilo koja jedinka te vrste, porijeklom od bilo koje pasmine a činjenicu da je pas opasan utvrđuju stručna lica nadležne veterinarske organizacije JP Veterinarska stanica d.o.o. Tuzla, po podnesenoj prijavi o ničim izazvanom napadu na čovjeka i nanesejoj mu tjelesnoj ozljedi. Po podnesenoj prijavi postupak vodi veterinarski inspektor.

Javno komunalno preduzeće „Komunalac“ Tuzla, kome je Općina povjerala obavljanje komunalne djelatnosti uređenja i održavanja javnih zelenih površina (u daljem tekstu: preduzeće), dužno je da u parku i drugoj javnoj zelenoj površini postavi vidne oznake na kojima je naznačeno u kom vremenskom periodu i u kojim dijelovima je zabranjeno slobodno kretanje pasa.

Pas se može puštati s povodca da se slobodno kreće samo u parku i na drugoj javnoj zelenoj površini koje nisu vidno obilježene zabranom.

#### Član 21.

Ukoliko pas ili mačka pri izvođenju iz stana zaprlja ili zagadi stepenište i lift, stazu, put, zelenu površinu ili drugi

prostor, vlasnik/držalac psa ili mačke dužan je da zagađenu površinu očisti, opere i uredi.

Fekalije se odlažu u označene kante postavljene na javnim površinama.

#### Član 22.

Ako pas ili mačka ošteti nečiju imovinu ili nanese povredu, vlasnik/držalac životinje je odgovoran za nanesenu povredu, isto tako dužan je i odgovoran izvršiti popravku ili nadoknaditi materijalnu štetu oštećenom fizičkom ili pravnom licu.

#### Član 23.

Vlasnik/držalac kućnog ljubimca koji se o njemu ne može brinuti dužan je pronaći udomitelja, odnosno udruženje građana ili osobu koja će o njemu brinuti na propisan način ili ga predati skloništu za životinje kada se osnuje u skladu sa zakonom, te snositi troškove boravka do udomljenja ili drugog načina zbrinjavanja životinje.

### V NADLEŽNOSTI VETRINARSKJE ORGANIZACIJE

#### Član 24.

Nadležna veterinarska organizacija JP Veterinarska stanica d.o.o Tuzla, u skladu s ovom Odlukom i pozitivnim zakonskim propisima, u okviru svoje djelatnosti, ambulantno, u kućnim posjetama i u privrednim objektima, obavlja poslove:

- utvrđuje da li postoji sumnja na zaraznu i parazitaru bolest,
- utvrđuje stepen agresivnosti kod pasa i drugih kućnih ljubimaca,
- provodi odgovarajuće preventivne veterinarsko-zdravstvene mjere u cilju sprečavanja pojave i širenja opasnih zaraznih i parazitarne bolesti koje se sa životinja mogu prenijeti na ljude te nalaže mjere i radnje koje je vlasnik/držalac životinje dužan odmah izvršiti u skladu sa zakonom,
- utvrđuje stepen povrede pasa i drugih kućnih ljubimaca i
- provodi sve druge mjere, radnje i postupke u skladu s ovom Odlukom i drugim pozitivnim zakonskim propisima.

### VI NAČIN POSTUPANJA SA IZGUBLJENIM I NAPUŠTENIM ŽIVOTINJAMA, PSIMA I MAČKAMA LUTALICAMA

#### Član 25.

Izgubljena životinja je ona životinja koja je napustila vlasnika/držaoca bez njegove volje. Vlasnik/držalac izgubljene životinje dužan je izgubljenu životinju prijaviti nadležnoj veterinarskoj organizaciji JP Veterinarska stanica d.o.o. Tuzla, najkasnije u roku od 48 sati.

Napuštena životinja je kućna životinja koju je vlasnik/držalac svjesno napustio.

Psi i mačke lualice u smislu ove Odluke su neregistrirane/registirane i neoznačene/označene životinje o kojima se niko ne brine i koje bez nadzora lutaju ulicama i drugim javnim površinama.

#### Član 26.

Skupljanje, prevoženje i smještaj napuštenih i izgubljenih životinja osiguravaju zaposleni u higijeničarskoj službi, skloništu za životinje kojeg u skladu sa Zakonom o zaštiti i dobrobiti životinja BiH (Službeni glasnik BiH broj 25/09.) osniva fizička ili pravna osoba, Općina ili kanton.

Na području općine Tuzla gore navedeni poslovi povjereni su JKP „Komunalac“ Tuzla.

Općina Tuzla, putem Službe za komunalne poslove, izgradnju i poslove mjesnih zajednica, nadležna je za poslove navedene u stavu 1. ovog člana i u skladu sa Zakonom o veterinarstvu F/BiH („Službene novine FBiH“, broj 46/00.), Zakonom o komunalnim djelatnostima („Službene novine TK“, broj 11/05., 7/07. i 8/12.) i Općinskom Odlukom o komunalnom redu.

#### Član 27.

Vlasnik/držalac napuštene i izgubljene životinje je dužan nadoknaditi svaku vrstu štete, kao i skupljanja, prevoženja i smještanja u sklonište za životinje koju počinu životinja od trenutka nestanka ili napuštanja do trenutka njezina vraćanja vlasniku/držaocu.

#### Član 28.

U sklonište za životinje se smještaju životinje u skladu sa Zakonom o veterinarstvu FBiH („Službene novine FBiH“, broj 46/00.), Zakonom o veterinarstvu BiH („Službeni glasnik BiH“, broj 34/02.), i Zakonom o zaštiti i dobrobiti životinja BiH („Službeni glasnik BiH“, broj 25/09.), i to:

- izgubljene životinje do vraćanja vlasniku/držaocu,
- napuštene životinje kojima se ne može utvrditi vlasnik/držalac u roku od 15 dana od dana smještanja u sklonište za životinje i
- životinje kojima vlasnik/držalac ne može osigurati uslove držanja u skladu sa njihovim potrebama na neograničeno vrijeme.

Troškove hvatanja, transporta i smještaja životinja, iz stava 1. alineja 1. ovog člana, snosi vlasnik/držalac životinje, a troškovi smještaja životinja, iz stava 1. alineja 2. ovog člana, podmiruju se iz budžeta Općine, osim ako se vlasnik/držalac naknadno ne utvrdi.

Visinu naknade za smještaj životinja u sklonište za životinje koje snosi vlasnik/držalac životinje utvrđuje sklonište za životinje, dok troškove hvatanja i transporta do skloništa za životinje utvrđuje općinska služba zadužena za komunalne poslove.

#### Član 29.

Za hvatanje i smještanje divljih životinja i zaštićenih divljih životinja s javnih površina (uz primjenu i korištenje odgovarajuće opreme) nadležna je Služba za komunalne poslove Općine Tuzla, putem svog javnog preduzeća JKP „Komunalac“ Tuzla, u skladu s propisima o zaštiti životinja, zaštiti prirode i veterinarstvu, Zakonom o veterinarstvu FBiH („Službene novine FBiH“, broj 46/00.), Zakonom o veterinarstvu BiH („Službeni glasnik BiH“, broj 34/02.) i Zakonom o zaštiti i dobrobiti životinja BiH („Službeni glasnik BiH“, broj 25/09.),

Uhvaćena divlja životinja zalutala iz lovišta na području općine Tuzla, odmah po hvatanju se vraća u lovište, osim ako nije uhvaćena divlja životinja za koju postoji osnovana sumnja da je opasna za širenje zaraznih bolesti s kojima se postupi u skladu sa Zakonom o veterinarstvu FBiH („Službene novine FBiH“, broj 46/00.), Zakonom o veterinarstvu BiH („Službeni glasnik BiH“, broj 34/02.), i Zakonom o zaštiti i dobrobiti životinja BiH („Službeni glasnik BiH“, broj 25/09.).

Troškovi hvatanja i smještaja divlje životinje u sklonište za životinje, namirit će se iz budžeta Općine, a troškove hvatanja iz stava 2. ovog člana snosi lovačko društvo koje ima pravo lova u lovištu u koje je životinja vraćena.

### Član 30.

Usmrćivanje životinje može se provesti ako:

a) je potrebno radi održavanja prirodne ravnoteže u lovištu u skladu sa Zakonom o zaštiti i dobrobiti životinja BiH („Službeni glasnik BiH“, broj 25/09.) i Zakona o lovstvu, i ako

b) se odvija u okviru mjera za uništavanje štetočina (pasa i mačaka) koje se nekontrolisano kreću po lovištu.

### Član 31.

Eutanazija životinja može se provesti ako:

a) se životinja ne može izliječiti, a ostanak u životu će joj uzrokovati nepotrebne bolove i patnju,

b) je životinja dostigla visoku starost i otkazuju joj osnovne životne funkcije,

c) životinja boluje od neizlječive i/ili zarazne bolesti, posebno one koja može ugroziti ljude,

d) je životinja opasna za okolinu, i ako

e) je životinja u agoniji.

Za slučajeve iz stava (1) tačke a) i b) ovog člana, o usmrćivanju odlučuje vlasnik/držalac životinje, po preporuci veterinara, a za slučajeve iz stava (1) tačke c), d) i e) ovog člana veterinar.

Ako se radi o kućnom ljubimcu, troškove snosi vlasnik/držalac, a ako se radi o psima i mačkama lualicama troškovi padaju na teret budžeta Općine Tuzla i finansiraju se s pozicija Službe za komunalne poslove, izgradnju i poslove mjesnih zajednica, Službe za razvoj, poduzetništvo i društvene djelatnosti i Službe civilne zaštite.

## VII NADZOR

### Član 32.

Komunalni redari i komunalni inspektori Općine Tuzla vrše nadzor nad provođenjem odredbi člana 8. stav 1., 4. i 5., člana 9. člana, 10. člana, 11., člana 12., člana 13. stav 1., 2., 4., 5., 8. i 9. člana 15. stav 1. člana 16., člana 17. stav 1., 2., 5., 8. člana 18. stav 1. i 4., člana 20. stav 1. i 4., člana 21. stav 1. i 2. člana 23. i člana 25. stav 1. ove Odluke.

Općinski organ nadležan za poslove upravljanja i održavanja zajedničkih dijelova i uređaja zgrade vrši nadzor na provođenjem odredbi člana 14. stav 2. i člana 21. ove Odluke.

Veterinarska inspekcija, u skladu sa svojim ovlaštenjima, vrši nadzor nad provođenjem odredbi Odluke koje su uređene Zakonom o veterinarstvu FBiH („Sl. novine FBiH“, broj 46/00.), Zakonom o veterinarstvu BiH („Službeni glasnik BiH“, broj 34/02.), Zakonom o zaštiti i dobrobiti životinja („Službeni glasnik BiH“, broj 25/09.) nad provođenjem odredbi člana 8. stav 2. i 3., člana 13. stav 3., 6., 7. i 8., člana 14. stav 1., člana 15. stav 2., 3. i 4. i člana 28. stav 1. ove Odluke.

Pripadnici MUP-a TK, Policijska uprava Tuzla, u skladu sa svojim ovlaštenjima propisanim Zakonom o javnom redu i miru i Odlukom o javnom redu i miru, vrši nadzor nad provođenjem odredbi člana 8. stav 1. i 4., člana 9., člana 13. stav 1., člana 14. stav 3. i 4., člana 15. stav 1., člana 16., člana 17. stav 2. i 8., člana 18. stav 1. i 4., člana 20. stav 1. i 4., člana 23. i člana 25. stav 1. ove Odluke.

## VIII KAZNENE ODREDBE

### Član 33.

Novčanom kaznom od 500,00 do 7.000,00 KM, kaznit će se za prekršaj pravno lice, odnosno odgovorno lice u pravnom licu, kaznom od 200,00 do 2000,00 KM, odnosno fizičko lice, kaznom od 100,00 do 500,00 KM, ako postupi protivno ili se ne pridržava odredbi člana 8. Odluke, stav 1., 4. i 5., člana 9., člana 10., člana 11., člana 12., člana 13. stav 2., 3., 4 i 5., člana 14. stav 2., člana 15., 16., člana 17. stav 1., 2., 5. i 8., člana 18. stav 1., 2. i 4., člana 20. stav 1. i 4., člana 21., člana 23. i člana 25. stav 1.

## IX PRELAZNE I ZAVRŠNE ODREDBE

### Član 34.

Danom stupanja na snagu ove Odluke prestaju da važe ranije doneseni propisi kojima je regulirana ova problematika.

### Član 35.

Držaoци domaćih životinja i kućnih ljubimaca, dužni su da njihovo držanje usklade u roku od 90 dana od dana primjene ove Odluke.

### Član 36.

Odluka stupa na snagu osmog dana od dana objavljivanja u „Službenom glasniku Općine Tuzla“, a primjenjivat će se od 2. 5. 2014. godine.

OPĆINA TUZLA

Općinsko vijeće

Broj: 01-23-1478-2014

2. april 2014. godine

PREDSJEDAVALJUĆI

Jozo Nišandžić

## 3

Na osnovu člana 66. Zakona o građevinskom zemljištu FBiH („Službene novine FBiH“, broj 67/05.) i člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.), Općinsko vijeće Tuzla, na sjednici od 2. aprila 2014. godine, donosi